

止以猫鼠示百寮者臣聞禮曰迎猫為其食田鼠也然則猫之食鼠載在禮典以其除害則雖微必錄今此猫鼠而不食仁則仁矣無乃失其性乎猫受人養棄職不脩亦何異於法吏不勤觸邪墮吏不勤扞敵又按禮部式具列三端無猫不食鼠之目以茲稱慶臣所未詳

建中四年天下地生毛

正元二年正月大雨雪平地深尺餘雪上有黃黑色狀如浮埃

五月日有黑暈自辰及申方散

四年正月上御丹鳳樓宣赦是日含元殿前階檻三十餘間崩甲士死傷者十餘人又陳留雨木皆大如指長寸餘每木有孔通中所下其立如植二月太僕郊牛犢生六足御周浩白宰臣李泌請上聞泌戲答之而不許其時京城民家豕生子兩首四

足以白御史中丞竇叅亦下許上聞七月自陝州至河陰水盡黑其黑水流入汴河止於汴州城下一宿而復又鄭汴二州群鳥皆去界內入田緒李紉境內街水為城高二三尺緒紉令焚之信宿漫如之鳥口多流血十年十一月有大鳥飛集宮中食雜骨數月獲之不食而死

十二年十二月大雪平地二尺竹多死環王國所缺犀牛甚珍愛之是凍死十七年二月丁酉京師雨雹已亥雨霜戊申夜寔震雨霜庚戌大雨兼雹元和元年京師大風折樹

三年四月大風毀含元殿西闕欄干十七間七月六日舒州上言桐城縣梅天陂內有青黃白三龍自陂中乘風雷躍起高二百尺六里入浮塘陂

八年三月丙子大風壞崇陵寢殿鴟吻折門戟六月甲辰長安西

市有承生子三耳八足自尾分為二

長慶二年六月乙丑大風震電墜太廟鳴吻霹御史臺樹皆仆
其年十一月頻雪後恒燠水不冰凍草木萌發如正二月

四年六月庚辰大風吹敗延喜景風門

寶曆元年十二月乙酉夜有霧起須臾遍天霧上有赤氣或深
或淺久而乃散

開成元年閏五月有群鳥萬餘集唐安寺逾月方散

四年四月壬戌有麀出太廟

大中十一年十二月舒州奏有鳥人面綠毛喙皆紺色其声曰
甘人呼之為甘虫

咸通元年七月戊戌白虹橫亘西方其年十一月丁酉戌時妖
星初出如匹練亘空化為雲而沒在楚分

廣明元年四月大雨雹大風拔京兩街樹十二三東都長夏門
內古槐自拔而仆 殿鳴吻皆墮地

中和元年五月大風天雨土 二年七月丙午夜西北有赤氣
如絳竟天其年九月太原上言諸山樅杏有花結實其年十月

西北 無雲而雷名天狗墮 光啓二年九月白虹見西方

光化二年九月白虹見西方

光化二年春有白氣竟天如練自西南徹東北而旋

天祐元年四月東京天風雨土跬步不辨物色日暄稍止是年
昭宗移洛陽車駕以其日入京城而有是變朱氏革命之地也
其年十一月辛酉日有黃色白暈旁有青赤紐

太史局

久視元年五月十九日故太史局為渾天監不隸秘書省天后

召尚獻輔拜太史令固辭曰臣久從放誕不能屈事官長遂改
為渾天監至七月六日又改為渾儀監

長安二年八月二十八日獻輔卒渾儀監依舊為太史局隸麟
臺綠監置官並廢

景龍二年六月二十六日改為太史監罷隸秘書省

景雲元年七月二十八日又改為太史局隸秘書省八月十日
又改為太史監十一月二十一日又改為太史局二年閏九月
十日又改為渾儀監開元二年二月二十一日又改為太史
監十五年正月二十七日改為太史局隸秘書省至

天寶元年十月三日改為太史監罷隸秘書省至

乾元元年三月十九日太史監改為司天臺仍置五官正五人
司天臺內別置一院名之曰通玄院應有道術人並徵辟到京

皆於通玄院安置司天臺總置官六十員太監一人正三品少
監二人正四品上丞三人正六品上主簿三人正七品上主事
三人正八品下五官正各一人正五品上副正各一人正六品
上五官靈臺郎各一人正七品下五官保章正各一人從七品
上五官挈壺正各一人正八品上五官監候各一人正八品下
五官司曆各一人從八品上五官司辰各三人正九品上觀生
曆生七百二十六人其臺宜於永寧坊張守珪宅置制曰建邦
設都必稽玄象分曹列局皆應物宜靈臺二星主觀察雲物天
文正位在大微西南今興慶宮上帝廷也考符所合以致靈臺
宜令所司量事脩理舊置在秘書省南至寶應元年六月九日
司天少監翟雲謨奏司天丞請減三員監候減二員司辰減七
員五陵司五員勅旨依至天寶十一年三月十四日勅太史監

官除朔望朝外非別有公事一切不須入朝及充保識仍不在點檢之限

大定元年九月十九日勅在史局曆生天文觀生等取當色子弟充如不足任於諸色人內簡擇

開元二十三年九月八日勅太史局曆生每番留兩人當上餘並七月一日上至十月三十日下

乾元元年十月一日權知司天監韓穎奏司天臺五官正既職配五方上稽五緯臣請每至正冬朔望朝會及諸大祀并奏本方事各依本方正色其冠上加一星珠仍永為恒式從之

大曆二年正月二十七日勅艱難已來疇人子弟流散司天監官員多闕其天下諸州官人百姓有解天文玄象者各委本道長吏具名聞奏送赴上都

開成五年十二月勅司天臺占候災祥理宜秘密如聞近日監司官吏及所由等多與朝官并雜色人交游既乖慎守須明制約自今已後監司官吏並不得更與朝官及諸色人等交通往來仍委御史臺訪察

雜錄

武德九年八月詔私家輒立妖神妄設淫祀非禮祈禱一切禁斷龜易五疋之外諸雜占亦皆禁止

載初元年六月勅相書及朔計家書多妄論禍福並宜禁斷開元十年六月勅百姓不得與卜祝人交游往來

唐會要卷第四十五

推忠協謀佐理功臣光祿大夫守司空兼門下侍郎同中書門下平章事監脩國史上柱國太原郡開國公食邑二千戶食實封四百戶臣王溥纂

功臣

武德元年八月六日詔曰朕起義晉陽遂登皇極經綸天下實伏宏材尚書令秦王右僕射斐寂或合契元謀或同心運始並蹈義輕生捐家殉節艱辛備履金右不移論此忠勤理宜優異官爵之榮抑惟舊典勳賢之議宜有別恩其罪非叛逆可聽恕一死及所司進簿尚書右僕射裴寂納言劉文靜加恕二死左驍衛大將軍長孫順德右驍衛大將軍劉弘基都水監文趙恪右屯衛大將軍竇琮衛尉少卿劉政會鴻臚卿臚劉世龍吏部待

郎殷開山左翊衛大將軍柴紹內史侍郎唐儉庫部郎中武士
獲驃騎將軍張平高左驍衛長史許世緒李恩行李高遷等並
恕一死

三年二月十日詔曰貴爵尚齒列代通規進善優賢有國勳訓
尚書左僕射魏國公寂太子少保新昌縣公綱左武侯大將軍
陳國公抗太常卿沛國公元瑋納言漢東郡公叔達內史令采
國公瑀兵部尚書蔣國公通戶部尚書滎陽郡公善果右武侯
大將軍羅侯御史大夫滑國公無逸並職司近侍任蕪心膂恩
禮所加義從隆渥寂已下奏事及侍立並令升殿其年三月隋
尚書奉御郭弘道來歸引見帝泣曰臣識龍顏在天下之先今
拜闕庭在衆人之後遂拜同州刺史每參見奏事並升殿
九年九月二十四日詔曰褒賢昭德昔王典令旌善念功有國

勳訓吏部尚書上黨縣公長孫無忌中書令臨淄縣侯房玄齡
右武侯大將軍尉遲敬德兵部尚書建平縣男杜如晦左衛將
軍全椒縣子侯君集等或夙參謨謀綢繆惟幄竭心傾懇備申
忠益或早從任使契闊戎麾誠著艱難績宣內外義冠終始志
堅金石誓以山河實允朝議無忌封齊國公玄齡封邢國公敬
德封吳國公如晦封萊國公君集封潞國公邑各三千戶遣侍
中陳叔達於殿階下以名唱之上謂曰朕叙公卿勲勞量定封
邑恐不能盡當且各自從叔父淮安王神通進曰義旗初起
臣率兵先至今房玄齡杜如晦等力筆之人功居第一臣竊不
伏上曰義旗初起人皆有心叔父雖率悍兵未嘗身履行陣山
東未定受委專征建德南侵全軍陷沒及劉闡翻動望風而破
今計勳行賞玄齡等有籌謀帷畫定社稷之功所以漢之蕭何

雖無汗馬指蹤推轂故得功居第一叔父於國至親誠無所愛
但以下可緣私濫與勲臣同賞耳初將軍丘師利等咸自矜其
功或攘袂指天以手畫地及見淮安王理屈自相謂曰陛下以
至公行賞不私其親吾屬何宜妄訴

正觀六年九月宴於慶善宮時有班居尉遲敬德上者敬德怒
曰汝有何功合坐我上任城王道宗因解諭之敬德拳毆道宗
目幾眇太宗下憚而罷嘗謂敬德曰朕舊覽漢史見漢高祖功
臣獲罪者多意常尤之及居大位已來恒欲保全功臣令子孫
無絕然鄉居官輒犯憲綱方知韓彭夷戮非漢祖之德國家大
事唯賞與罰非分之恩不可數行勉自脩飾無貽後悔數年敬
德遂飛鍊金石閑居服雲母粉穿築池臺常奏清商樂以自奉
養不與外人交通凡十六年至顯慶三年十月卒許敬宗請加

贈上曰敬德功業誰之儔也對曰武德末年二凶御亂絳綸中
興之業能置宗廟之安者敬德功當第一太尉無忌曰敬德早
從征伐勲庸明著正觀之初特効殊績比諸將帥超越等倫李
靖南定荆吳北伐突厥外力之功雖別論其勳効實宜相準上
以為然遂贈司徒拜州都督

十七年二月二十八日詔曰自古皇王褒崇勲德既勒名於鐘
鼎又畫形於丹青是以甘露良佐麟閣著其美建武功臣雲臺
紀其跡司徒趙國公無忌故司空河間元王孝恭故司空萊國
公如晦故太子太師鄭文正公徵司空梁國公玄齡開府儀同
三司鄂國公尉遲敬德特進宋國公瑤故揚州都督忠莊公志
玄輔國大將軍夔國公弘基故尚書左僕射蔣國公通故陝東
道大行臺尚書右僕射鄭國公開山故荊州都督譙襄公紹故

荊州都督鄧襄公順德洛州都督鄧國公張亮吏部尚書陳國
公侯君集故左驍騎大將軍鄧襄公公謹左領軍大將軍盧國
公程知節故禮部尚書永興文懿公虞世南故戶部尚書渝襄
公劉政會戶部尚書莒國公唐儉兵部尚書英國公李世勣故
徐州都督胡莊公秦叔宝等二十四人宜酌故實弘茲令典可
並圖畫凌煙閣庶念功之懷無謝於前載旌賢之義永貽於後
昆

永徽三年十二月二十八日勅功臣正觀二十三年已來簡退
者特宜同致仕例其太原元從及秦府左右仍各加階先有正
四品者不在此例五年二月四日詔屈突通殷開山並贈司空
長孫順德贈開府儀同三司竇琮贈特進史大奈贈輔國大將
軍溫大雅贈尚書右僕射權弘壽贈太子少師劉政會武士獲

並贈并州都督張公謹贈荊州都督李高遷贈梁州都督李思
行贈洪州都督張平高贈潭州都督時武昭儀用事贈其父故
引功臣以贈之

總章元年二月六日詔太原元從西府舊臣今親詳覽其為等
給贈司徒士獲贈司空開山贈司空淮安王神通并州都督劉
弘基贈并都督劉政會并州都督唐儉左衛大將軍竇琮荊州
都長孫順德梁州都督史大奈贈幽州都督龐卿惲潭州都督
錢九隴贈華州刺史柴紹贈潭州刺史張平高贈工部尚書裴
裴寂洪州都督李思行洪州都督秦行師靈州都督許世緒涼
州都督李高遷齊州刺史劉義節贈太尉高士庶贈司空屈突
通贈太尉房玄齡贈司空杜如晦贈司徒尉遲敬德揚州都督
督段志玄益州都督程知節徐州刺史秦叔宝涼州都督宇文

士及荊州都督張公謹荊州都督杜君緯荊州都督公孫武達
涼州都督李安遠代州都督鄭仁泰荊州李孟嘗 幽州都
督獨孤彥雲始州刺史劉師立並為第一功臣其家見在朝無
五品已上官者子孫及曾孫擢一人授五品官若先有四品五
品者加授子孫等一人兩階若三品已上加爵三等其第二等
功臣見在朝無五品已上官者其子孫及曾孫擢一人授從六
品若有五品已上者加一人階六品官者加兩階三品已上官
者加爵一等時皇后欲褒崇其父特在功臣之上故也

神龍元年二月制段志玄屈突厥蕭瑀李靖秦叔寶長孫順德
劉弘基宇文士及錢九隴龐卿暉竇琮苑君璋李子和張平高
張公謹梁洛仁安脩仁秦行師獨孤彥雲蘇定方李安遠鄭仁
泰杜君璋李孟嘗等二十六家所食實封並依舊給

其年九月勅自弘道以前經任相三年已上及秦府晉府寮佐
四品已上并食實封功臣雖經罪責不至破家子孫無任京官
者特宜優與一官英府周府舊寮五品已上子孫亦宜準此

至德二年十二月十五日敕扈從劍南締御靈武冊勳共三十
二人太子太師幽國公常見素加開府儀同三司三百戶開府
儀同三司齊國公加高力士加封三百戶右龍武大將軍潁川公
陳玄礼封蔡國公封三百戶左龍武大將軍鴈門男田長文封
鴈門郡公封三百戶左龍武大將軍南陽男張崇俊封鴈門郡
公封三百戶左羽林大將軍鳳翔伯杜休祥封馮翊郡公封三
百戶尚書左僕射裴冕加開府儀同三司封莫國公封三百戶
殿中監同正判行軍李輔國加開府儀同三司行殿中監封五

百戶宗正卿兼工部侍郎李遵加特進封鄭國公封一百戶鴻
臚卿中軍都虞侯李鼎加開府儀同三司封保寧郡公封一百
戶鴻臚卿同正中軍都知兵馬使管崇嗣封鉅鹿郡公封三百
戶右武衛大將軍王晔加特進太原縣侯封一百戶尚書左僕
射同中書門下平章事朔方軍節度使子儀加司徒代國公封
一千戶鴻臚卿朔方兵馬使僕固懷恩封曹國公封二百戶右
金吾衛大將軍四鎮伊四北庭行軍兵馬使李嗣業加兼衛尉
卿封虢國公封二百戶司徒兼戶部尚書太原伊同中書門下
平章事薊郡公光弼加司空兼兵部尚書封薊國公封八百戶
御史大夫兼工部尚書招討兩京并定遠武威興平等軍兼關
內節度使河四隴右伊西四鎮行軍兵馬使王恩禮加開府儀
同三司封霍國公封五百戶太常卿同正兼御史大夫淮南西

道節度採訪使潁川郡公來瑱加開府儀同三司潁國公封二
百戶太僕卿南陽太守知襄陽郡事金鄉公魯昊加開府儀同
三司岐國公封二百戶京兆尹京畿採訪計會招討宣慰使崔
光遠加特進禮部尚書鄭國公封三百戶開府儀同三司李光
進封范陽郡公封二百戶右相苗晉卿加特進行侍中韓國公
封五百戶憲郡尚書同中書門下平章事李麟加金紫光祿矣
封褒國公封五百戶中書侍郎同中書門下平章事崔圓加特
進行中書令趙國公封五百戶中書侍郎同中書門下平章事
河南節度採訪使張鎬加銀青光祿大夫南陽縣公太子少師
房瑄加金紫光祿大夫河南郡公太子少保魏王巨加光祿大
夫御史大夫趙國公李垣加金紫光祿大夫戶部尚書吏部尚
書郇國公常陟加光祿大夫禮部尚書李峴加光祿大夫行御

史大夫兼京兆尹封梁國公戶部侍郎蘇震加銀青光祿大夫
吏部侍郎

大曆十四年閏五月詔司徒兼中書令汾陽郡王子儀宜號尚
父兼太尉中書令加實封通前二千戶月給千五百人糧二百
四馬葛穀

其年六月一日制條武德己未宰相及實封功臣子孫沉翳者
量與一人正員官七月二十六日吏部奏請委史館精加檢勘
審定名跡至建中元年九月五日史館奏武德己未實封陪葬
配饗功臣名跡崇高者

一十一人第一等司空魏國公裴寂納魯國公劉文静 太尉
趙國公長孫無忌尚書左僕射衛國公李靖司空英國公李勣
中書令漢陽王張柬之中書令崔玄暉侍中平陽王敬暉侍中

扶陽王桓彥範中書令南陽王袁恕己尚書左僕射徐國公劉
幽求

二十四人第二等司空河間王孝恭開府儀同三司鄂國公尉
遲敬德特進莒國公唐儉輔國大將軍夔國公劉弘基輔國大
將軍邳國公長孫順德行臺尚書左僕射蔣國公屈突通行臺
尚書右僕射鄒國公殷開山戶部尚書渝國公劉政會工部尚
書應國公武士護荊州都督譙國公柴紹揚州都督襄國公段
志玄右驍騎大將軍鄭國公張公謹右領軍大將軍盧國公程
知節徐州都督胡國公秦叔寶禮部尚書永興縣公虞世南工
部尚書武陽縣公李大亮散騎常侍豐城縣男姚思廉左武侯
大將軍邢國公蘇定方夏官尚書耿國公王孝傑右武衛大將
軍韓國公張仁愿光祿卿琅邪郡公王同皎兵部尚書代國公

郭元振尚書左丞相燕國公張說兵部尚書中山郡公王琚等
三十四人第三等司空淮安王通神特進江夏王道宗中書令
鄧國公宇文士及行臺左僕射鄴國公竇軌太府卿葛國公劉
義節左屯衛大將軍襄武郡公劉師立右驍衛大將軍梁國公
安興貴右武衛大將軍申國公安脩仁左衛大將軍譙國公竇
琮夔州都督息國公張長孫黔州都督夷國公李季和右光祿
大夫羅國公張平高左監門大將軍榮國公樊興左武侯大將
軍鄆國公錢九隴右武侯大將軍沔陽郡 孫武達左武衛大
將軍懷寧縣公杜君綽右驍衛將軍安化縣公龐知輝涼州都
督唐德郡公李安遠涼州都督同安郡公鄭仁泰刑部尚書吳
興郡公沈叔安左領軍大將軍虢國公張士貴右衛大將軍安
國阿史那社爾右武衛大將軍琅琊郡公牛進達輔國大將

軍嘉川郡公周護仁右武侯大將軍天水郡公立行恭尚書左
僕射宋國公唐休璟右羽衛大將遼陽王李多祚吏部尚書齊
齊公國崔日用户部尚書越國公鍾紹京左武衛將軍平陽郡
公薛訥右金吾大將軍涼國公李延昌光祿卿申國公許乾輔
中書侍郎趙國公王琚特進鄧國公張璋等
至德已來將相功効明著已亡歿者

八人第一等尚書左僕射冀國公裴冕吏部尚書清河郡公房
瑄門下侍郎衛國公杜鴻漸開府儀同三司武城郡王李嗣業
衛尉卿顏杲卿常山郡太守袁履謙御史中丞張巡將軍南霽
雲

八人第二等大尉臨淮王李光弼兵部尚書涼國公李抱玉司
空霍國公王思禮御史大夫劉正臣范陽長史賈循尚書右僕

射信都郡王曰神功左羽林大將軍薛景光睢陽太守許遠
七人第三等太子太師幽國公常見素侍中韓國公苗晉卿尚
書左僕射趙國公崔圓尚書右僕射辛雲京尚書右僕射扶風
郡王馬璘右散騎常侍尚衡太原尹鄧景山
史館奏按史傳考詳事實約為三等具件如前勅旨宜付尚書
省百寮與史官對定奏聞

建中元年十二月勅國初以來將相功臣名跡崇高功効明著
者宜差次分為二等其月定武德以來宰臣以房玄齡杜如晦
蕭瑀高士廉魏徵王珪戴胄岑文本馬周劉洎褚遂良于志寧
張行成高季輔韓瑗來濟張文瓘郝處俊李義琰裴炎蘇良嗣
狄仁傑婁師德王方慶王文善魏元忠姚崇朱敬則蘇瓌宋璟
魏知古陸象先蘇 張嘉正李元紘韓休張九齡三十七人為

上等實威陳叔達等四十人為次等功臣以裴寂劉文静長孫
無忌河間王孝恭李靖李勣尉遲敬德屈突通殷開山劉弘基
長孫順德唐儉柴紹段志玄劉政會張公謹程知節秦叔寶虞
世南李大亮蘇定方王孝傑張柬之崔玄暉敬暉桓彥範袁恕
己張仁愿劉幽求崔日用郭元振張說王珣王峻三十四人為
上等淮安王神通等五十人為次等至德已來將相既歿者以
裴冕房瑄杜鴻漸李嗣業劉正臣顏杲卿袁履謙張巡許遠盧
弈南霽雲十一人為上等李光弼等十五人為次等

二年六月中書令郭子儀自蒲來朝子儀勳代君最代宗不名
常呼為大臣洎幸陝還賜以鈇券圖形凌煙閣及上即位恩禮
益厚每謁見乘肩輿入自光順門以造內殿崇貴近古無匹既
病上御紫殿命舒王謨制書省之是日子儀薨上聞傷痛久之

為廢朝五日冊命曰尊為尚父官協太師雖爵秩則同而禮望尤重欽以袞冕旌我元臣聖祖園陵所宜陪葬載墓重文終之德象山追去病之勲千載如存九原可作可贈太師仍令所司備禮冊命贈絹三千匹布千端米麥三千石凶喪所須並令官給及葬上御安福門臨哭送之百寮陪位時賜謚為忠武配饗代宗廟庭

興元元年正月一日赦文諸軍諸使諸道應赴奉天及進收京城將士等宜並賜名奉天定難功臣身有過犯過減罪三等子孫有過犯過減二等四月詔諸軍從奉天隨從將士並賜名元從奉天定難功臣從谷口已來隨從將士賜名元從功臣正元元年八月詔九廟配饗功臣封爵廢絕者宜令結封以時

三年三月冊拜李晟為太尉兼中書令四年詔為晟立五廟贈晟高祖之隴州刺史贈高祖嵩澤州刺史贈祖思恭幽州大都督及令官給牲牢祭器牀帳禮官贊儀以祔馬尋詔晟長子愿為嫡自兼監察御史特拜銀青光祿大夫太子賓客賜上柱國使其得列祭戰五年九月晟與侍中馬燧召見于延英殿上嘉其有大勳力乃詔曰昔我烈祖秉乾坤之滌盪掃隋季之荒屯體元御極作人父母則有熊羆之士不二心之臣左右經綸參翊締極御昭文德恢武功威不庭康不乂用端命于上帝俾懷柔于四方宇宙既清日月既正王業既成太階既平乃圖厥容列于斯閣懋昭績效表式儀形一以無忘於朝夕一以永垂于來裔君臣之義厚莫重焉正元己巳歲孟秋七月我行西宮瞻宏閣崇御名見老臣遺像顯然肅然和敬在色想雲龍之叶應感致

業之艱難觀彼思今取類非遠且功與時並時為代生苟蘊其材遇其時尊主庇人何代下有在中宗則桓彥範等著屨戴之績在玄宗則劉幽求等申翼奉之勲在肅宗則郭子儀掃殄氛祲今則李晟等保寧朕躬咸盡力肆勤光復宗祏繼之前烈夫豈多謝闕而未錄孰謂旌賢況念功紀德文祖所為也在予曷其敢怠有司且叙年代先後各圖其像列于旧臣之次仍令皇太子書朕是命紀于壁為庶永播嘉庸昭示天下俾後之來者知元勳之不朽於是史官考其功績第其前後以褚遂良蘇定方却處俊等二十七人克之復命皇太子書其文以賜晟刻石於門左

七年二月詔授張巡男去病涇陽令許遠男峴饒州司馬南霽雲男承嗣温州別駕顏真卿男羣府河中戶曹參軍顏杲卿孫謨左內率府兵曹參軍旌忠烈之後也

九年八月太尉兼中書令西平郡王晟薨上聞之震悼出涕比大歛遣使親致書於柩前曰皇帝遣宮闈令第五守進伸旨于故前太尉兼中書令西平郡王贈太師之靈天祚我邦是生才傑稟陰陽之粹氣竄山岳之降靈弘濟艱難保佑王室掃盪氣稜廓清上京忠誠感於人神功業施於社稷屢時定亂實賴元勳方將與國同休永為邦翰比嬰疾恙雖歷旬時日異痊除重期相見弼予在位終致和平豈曷藥餌無徵奄至薨落君臣之義追慟益深循省遺章倍增感切卿一門胤嗣朕必終始保持况愿等兄弟承卿教訓朕之志義豈忘平生卿縱下言朕亦存信比者卿在之日却未見朕深心今朕與卿長乖莫知朕誠志無以為念發言涕零是用躬述數行遺申所怀得盡臨紙遣使

不能節辭魂而有知當体朕意時初城益州復益池上賜宰臣
新益惻然思晟命致益於靈座又時遣中使至晟第存撫諸子
教戒備致每聞其子愿等有一善上喜形於色鴻勳盛業恩寵
始終自古及今無與晟比其年十月司徒兼侍中馬燧對子延
英殿初燧以足疾許不朝謂是日燧以冬首朝請上召命對無
拜而坐謂之曰曩故太尉晟常與公俱未今獨覩公不覺悲慟
歎歎久之既而燧請退病甚仆於地不能興上親起之送于階
命中貴人扶掖燧頓首泣謝而出先是燧自平汴宋魏傳河中
其功益高上乃下詔褒美遷光祿大夫兼侍中并賜宸扆台衛
二銘并序勒石于起義堂西偏上為題額其恩寵如此

十七年三月成德軍節度使檢校太尉兼中書令王武俊薨廢
朝五日群臣詣延英奉慰如渾瑊故事太常謚曰威烈上曰武

俊竭奉國賜謚忠烈元和二年七月錄配饗功臣之後以蘇
瓌孫繫為京兆府司錄參軍崔玄暉孫元方張說孫整並為監
察御史狄仁傑孫玄範為右拾遺敬暉孫元亮袁恕己孫師德
相次錄用為

四年三月上覽正觀故事嘉魏徵諫諍匪躬詔令京兆尹訪其
子孫及故居則質賣更數姓圻為九家矣上愍之出內庫錢二
百萬贖之以賜其孫個及善馮等禁其質賣

六年九月勅奉天定難功臣子孫有犯殺人宜令所司準法其
餘並準處分

八年勅張茂昭立功河朔舉族歸朝義烈之風史冊攸載如聞
身歿之後家無餘財追懷田勳特越常典宜歲賜絹二千匹春
秋二時支給

其年八月詔曰君臣運合故殉國以忘家勸賞義明在褒功而
顯節存則酬其爵祿歿則錄其子孫然後忠義不遺典章斯在
故礪晉隄等州觀察使檢校兵部尚書康日知故徐州刺史兼
御史大夫李洎等一十家皆有懋功藏於盟府故命搜訪後裔
光貴前人今志寧等或服式著緒或從官有成或投迹軍府之
中或滯才州縣之職咸皆甄錄各茂官榮庶乎有祿者無忌於
聿脩懷忠者使知其必報勉膺光寵無替前勞

十五年六月勅以大理正段文通為殿中侍御史前淮南營田
副使為殿中侍御史顏顥為部員外郎長安縣丞顏諗 權知
大理正渭南縣尉郭承嘏為監察御史並準二月五日制勅關
之後可任臺省官者故有此命

大和二年六月詔曰朕詳觀列聖紀冊祖風盛業發然在前其

或道有污隆政有善否未始不繫乎當時輔弼常因便殿言諸
宰臣勉其斥益叶心推戴且以去歲乙巳登應門敷大號俾時
賢相以訪遺裔或血食不繼朽已薰如遂良之委笏 而諱名
垂史書仁傑之恢復廟社事形先覓宋璟之文吏骨鯁功參治
平元紘之守規畫一持成有裕其胄僅存不絕若髮各授邑吏
使其自試其故中書令褚遂良五代孫虔可汝州臨汝縣尉內
史狄仁傑曾孫元封懷州脩武縣尉侍中宋璟曾孫激岳州沅
江縣封中書侍郎李元紘曾孫伉鄧州向城縣尉

大中二年正月三日勅節文功臣墳墓無子孫者無子孫代委
所在長吏差人巡檢

其年七月十一日史館奏續選堪上陵煙閣功臣除所有舊員
形并有子孫在中外任官令寫進外三十七人禮部尚書兼門

下侍郎平章事李夔侍中永寧郡公王珪吏部尚書戴胄中書
令岑文中書令馬周中書令燕脩國史幹瑗侍中燕脩國史
郝處俊納言婁師德文昌左相王及善同鸞臺鳳閣平章事朱
敬則侍中梁國公魏知古尚書左丞中書門下三品陸象先中
書令張九齡司空魏國公裴寂納言魯國公劉文靜中書令漢
陽郡王張柬之中書令博陵郡王崔玄暉侍中扶陽郡王桓彥
範尚書左僕射劉幽求兵部尚書郭元振吏部尚書房瑄常山
郡太守袁履謙北庭行營節度使李嗣業主客郎中河南節度
副使張巡睢陽太守許遠御史中丞盧奕右驍衛將軍南霽雲
中書侍郎蕭華中書侍郎張錫司徒李勉平章事監脩國史張
鑑門下侍郎蕭復兵部侍郎平章事柳渾檢校司空平章事賈
耽北平郡王馬燧東都留守李愷敕旨宜令御史臺散牒諸州

尋訪子孫圖寫真形進送

三年四月宰臣奏伏以勲德之後慶賞所延每有恩制多令訪
錄所以興廢繼絕尊賢報功事歸勸獎義主沉翳近日諸家自
論衆者吏曹官闕合用者稀縱欲比擬亦未詳悉應前件兩色
子孫準前後制勅令搜訪與官者望許於吏部陳狀便委磨勘
如審是嫡嗣未有官名者具狀聞奏非時與一正員解褐官如
有出身及已曾任官者選日優與處分如自以才行嘗登科第
及有諸房子孫不承祭祀并及先因獎錄已授正官者並不在
此限即其所加恩例式叶本條勅旨宜依
咸通九年正月五日安南觀察使高駢奏愛州日南郡北五里
有故中書令河南元忠公褚遂良墓前都護崔暎大中六年因
訪丘墳別立碑記云顯慶三年歿於海上殯于此地二男一孫

神焉伏乞尋訪苗裔護喪歸葬從之仍勅嶺南各委未道搜訪
如有褚氏事跡相類者尋訪聞奏當加優憫乾符六年十月京
兆府奏故尚父子儀廟因霖雨倒塌勅減賜御膳錢三千貫顧
丁匹脩築仍令所司明年仲春以太牢祭於廟時禮部員外郎
崔祐甫與諫官俱稱過當章疏屢上宰臣亦相次奏之惟中書
舍人李拯上疏請行前詔乃以太牢祀之而是非相半
其月勅以故衛國公李德裕孫延吉起家為集賢校理
天祐元年七月中書門下奏西都舊有凌煙閣畫圖國初功臣
今遷都東京乞委營造一閣圖寫梁王全忠勅旨令於皇城內
擇地營造仍賜名天祐旌功之閣

唐會要卷第四十五

唐會要卷第四十六

前代功臣

前代功臣

封建雜錄上

永徽三年九月詔以周司沐大夫裴融贈尚書左丞封孝琰有
功前代擢其子孫旌之

其年五月詔隋儀同三司豆盧毓

御史中丞游楚客齊侍中崔李舒給事黃門侍郎裴澤並標忠
烈其子孫令所司量材叙用先是有詔追錄前代忠鯁子孫周
相州摠管尉遲迥曾孫文禮訴言迥忠於周室為隋所誅上遣
議之太常卿江夏王道宗等議皆以迥死節於周宜有甄錄褚
遂良進曰竊窺史籍咸以救君難為忠不救則為逆春秋趙盾
弑晉靈公趙盾為正卿不討賊太史書曰趙盾弑其君由此言
之尉遲迥受周重寄既聞隋文作相稱兵鄴下南通於陳北達

神焉伏乞尋訪苗裔護喪歸葬從之仍勅嶺南各委未道搜訪
如有褚氏事跡相類者尋訪聞奏當加優憫乾符六年十月京
兆府奏故尚父子儀廟因霖雨倒塌勅減賜御膳錢三千貫顧
丁匹脩築仍令所司明年仲春以太牢祭於廟時禮部員外郎
崔祐甫與諫官俱稱過當章疏屢上宰臣亦相次奏之惟中書
舍人李拯上疏請行前詔乃以太牢祀之而是非相半
其月勅以故衛國公李德裕孫延吉起家為集賢校理
天祐元年七月中書門下奏西都舊有凌煙閣畫圖國初功臣
今遷都東京乞委營造一閣圖寫梁王全忠勅旨令於皇城內
擇地營造仍賜名天祐旌功之閣

唐會要卷第四十五

唐會要卷第四十六

前代功臣

前代功臣

封建雜錄上

永徽三年九月詔以周司沐大夫裴融贈尚書左丞封孝琰有
功前代擢其子孫旌之

其年五月詔隋儀同三司豆盧毓

御史中丞游楚客齊侍中崔李舒給事黃門侍郎裴澤並標忠
烈其子孫令所司量材叙用先是有詔追錄前代忠鯁子孫周
相州摠管尉遲迥曾孫文礼訴言迥忠於周室為隋所誅上遣
議之太常卿江夏王道宗等議皆以迥死節於周宜有甄錄褚
遂良進曰竊窺史籍咸以救君難為忠不救則為逆春秋趙盾
弑晉靈公趙盾為正卿不討賊太史書曰趙盾弑其君由此言
之尉遲迥受周重寄既聞隋文作相稱兵鄴下南通於陳北達

突厥頓兵六十餘日不赴國難免其罪惡為幸若謂之忠鯁臣所深惑羣議然之

封建

崔氏曰蘇冕所載封建篇蓋以正觀初太宗文皇帝嘗欲法周漢故事分圭以王子弟裂地以封功臣諸儒議論紛紜事卒停寢故有表疏可編自後封諸王或王功臣但崇以爵苟食其祖封而已劉秩所爵設爵無土署官不職者也今子弟功臣封爵者皆列之高祖受禪以天下未定廣封宗室以威天下皇從弟及姪年始孩童者數十人皆封為郡王太宗即位因舉屬籍問侍臣曰封宗子於天下便乎尚書右僕射封德彝對曰不便歷觀往古封王者今日最多兩漢以降唯封帝子及親兄弟若宗室遠疎者

非有功如周之卬滕如漢之賈澤並不得濫叨名器所以別親疎也先朝敷睦九族一切力王爵命既崇多給力役蓋以天下為私殊非至公馭物之道也太宗曰然朕理天下本為百姓非故勞百姓以養己之親也於是卒以屬疎降爵唯有功者數人得王餘並封為縣公武德元年六月立世子建成為皇太子封皇子元吉為齊王封宗室子孝基為永安王道玄為淮陽王叔良為長平王神通為永康王神符為襄邑王德良為長樂王道素為竟陵王博又為隴西王奉國為渤海王八月涼州賊師以其地來降封為涼王十月封皇從弟琛為襄武王瓊為廬江王十二月封柱國李孝常為義安王

三年六月封皇子元景為趙王元昌為魯王元亨為鄴王皇孫承宗為太原王承道為安陸王承乾為恒山王恪為長沙王泰

為直郡王

四年二月徙封宜都王泰為衛王四月封皇子元方為周王元
禮為鄭王元嘉為宋王元則為荆王元茂為越王十二月徙封
宋王元嘉為徐王 正觀二年正月徙封漢王恪為蜀王衛
王泰為越王楚王祐為燕正 五年正月封皇弟元裕為郢

王元名為譙王靈夔為魏王元祥為許王
元悅為密王又封皇子愔為梁王正為漢王暉為郟王慎為申
王囂為江王簡為代王

十年正月徙封趙王元景為荆王魯王元昌為漢王鄭王元禮
為徐王徐王元嘉為韓王荆王元則為彭王滕王元懿為鄭王
吳王元軌為霍王龜王元鳳為魏王陳王元慶為道王魏王靈
夔為燕王蜀王恪為吳王越王泰為魏王燕王祐為齊王梁王

愔為蜀王郟王暉為蔣王漢王正為越王申王慎為紀王

十一年正月徙封鄆王元裕為鄧王譙王元名為舒王六月徙
封任城王道宗為江夏王趙郡王孝恭為河間王許王元祥為

江王

十三年六月封皇弟元嬰為滕王

二十一年八月封皇子明為曹王

永徽元年二月封皇子孝為許王上金為祀王素節為雍王
六年正月封皇子弘為代王賢為潞王

顯慶二年二月徙封為雍王素節為郟王

文明元年三月徙封祀王上金為畢王郟王素節為曹王

嗣聖元年改封上金為澤王素節為許王

垂拱元年五月封皇子成義為恒王

其年十一月改封千金王復為零陵王

三年正月封皇子範為衛王業為越王

聖曆三年十二月封皇太子男重潤為邵王重福為平恩王重俊為義興王重茂為北海王

景龍元年五月封韓王元嘉男訥為嗣韓王故霍王元軌長子江都王緒男暉為嗣霍王號王元鳳男巨為嗣魏王故紀王慎男安封郡王鐵成為嗣紀王故魯王靈夔孫范陽郡王藹長男道堅為魯王故曹王明孫胤為嗣曹王各賜實封四百日又封皇從兄境為歸政郡王肅宗子成器為蔡王十里為壽春郡王禧為天水郡王初侍中敬暉以唐室中興削武氏諸王封宗姓為王爵故有是命也

唐隆元年六月進封皇子衡陽郡王成義為申王巴陵郡王隆範為岐王彭城郡王隆業為薛王

景雲元年十月以故吳王恪孫祿為嗣江王其年九月封皇太子男嗣直為許昌郡王嗣謙為真定郡王

先大元年八月封皇太子男嗣非為陝王嗣直為鄴王嗣謙為鄂王

開元二年十一月封皇第四子嗣真為鄒王第五子嗣初為鄂王第六子嗣玄為甄王

十二年四月封皇再從兄將作大匠禕為廣郡王再從叔太子貞外率便令嗣密王徹為濮陽郡王再從兄太子象令嗣越王琚為中山郡王勅曰傍繼國王禮有停廢以朕近屬特宜並封郡王

十三年二月封皇第八子琚為光王第十三子維為儀王第十三子澧為頴王第十六子澤為永三第十八子清為壽王第三

十子泗為延王第二十一子沐為盛王第二十二子溢為濟王
二十一年九月封皇子沔為信王泚為義王湛為陳王澄為豐
王德為恒王淀為梁王湏為利王

二十八年九月封皇太子之子禧為南陽郡王倓為建寧郡王
似為西年郡王僅為新城郡王僖為潁川郡王又封慶王子儼
為新平郡王仲為平原郡王封棣王子僕為汝南郡王僑為宜
都郡王封榮王子侑為濟陽郡王偕為北平郡王封儀王子阮
為豫章郡王建為廣陵郡王封永王子揚為襄城郡王封壽王
子伾為河間郡王封延王子倬為彭城郡王封濟王儗為永嘉
郡王

至正二年十二月進封南陽王傑為趙王新城王僅為彭王潁
川王僖為兗王第九男瑤為襄王第十男沼為興王第十一男

德為祀王第十二男侗為定王

元年建丑月封皇太子第二男灊益昌郡王第三男迥延慶郡
王越王長男建為武威郡王第二男迺為興道郡王彭王長男
述為常王郡王

大曆十年二月封第四子述為睦三克嶺南節度支度營田大
使第五子逾為彬王克渭北鄜坊等州節度大使第六子連為
恩王克汴宋等州節度大使第八子遘為鄜王第十三子 造為
州為王克昭義軍節度大使第十四子暹為韶王第十五子運
為嘉王第十六子遇為昭王第十七子適為循王第十八子通
為恭王第十九子達為原王第二十子逸為雅王
十四年六月封元子諱為宣王次子謨為舒王信為通王諒為
處王詳為肅王又封皇子迺為益王迅為隨王又封彭王第五

男適為湯城郡王襄王長男適為伊吾郡王祀王長男連為同
昌郡王頴王第六男倬為鄒國公延王第八男代為兗國公陳
王第五男倓為潭陽郡王義王第八男似為南川郡王恒王長
男循為清江郡王又封蜀王長男訓為東平郡王睦王長男謂
為茶化郡王長男讚為武都郡王諤為馮翊郡王

建中元年八月封嗣舒王藻為嗣郢王

三年正月封溆王迨男為延德郡王

四年六月徙封彬王逾為冊王廊王遘為簡王豫章郡王侁為

沂陽郡王

興元元年八月合川郡王李晟改封西平郡王樓煩郡王渾瑊
改封咸寧郡王

正元元年四月改封普王誼為舒王

四年四月封皇第七子諒為邕王仍拜開府儀同三司皇太子
長子淳開府儀同三司封廣陵郡王二子渙為建康郡王三子
沔為洋川郡王四子洵殿中監臨淮郡王五子况秘書監弘農
郡王六子沐漢東郡王七子湜少府監晉陵郡王八子淑國子
祭酒高平郡王九子滋雲安郡王十子準太常卿宣城郡王十
一子浚德陽郡王十五子浥光祿卿河東郡王十六子况衛尉
卿洛交郡王舒王第二子涉太僕寧塞郡王三子油太府卿
清河郡王睦王子諷太常卿洪源郡王丹王子訪宗正卿寧邦
郡王恩王子誨大理卿景城郡王簡王子誣司農卿平恩郡王
忻王諸子太常卿武威郡王韶王子誦鴻臚卿晉昌郡王嘉王
子訢太卿新安郡王端王子子誠衛尉卿新興郡王循王子

二十一年四月封第十弟諤為欽王第十一弟誠為珍王男建
康郡王沔為均王改名縉臨淮郡王洵為淑王改名縱弘農王
浟為莒王改名紆漢東郡王旅為密王改名綱晉陵郡王湜為
郇王改名總高平郡王淑為郡王改名約雲安郡王滋為宋王
改名結宣城郡王準為集王改名緡德陽郡王潛為異王改名
綵河東郡王浞為和王改名綺第十七男絢封衡王十九男纁
封會王二十男綰封福王二十一男紘封撫王二十三男緄封
岳王二十四男紳封表王二十五男綸封桂王二十七男繕封
翼王庚戌封皇太子長子寧為平原郡王二子寬為同安郡王
三子宥為延安郡王四子察為彭城郡王五子寰為高密郡王
六子察為文安郡王

元和元年八月制封皇太子男平原郡王寧為鄧王同安郡王

寬為澧王延安郡王察為深王高密郡王寰為洋王文安郡王
察為絳王第十男審為建王

長慶元年三月封第憬為廊王悅為瓊王恂為沔王懌為婺王
愔為茂王忱為光王協為淄王愔為衡王恍為澶王皇子湛為
鄂王湓為江王湊為漳王澶為潁宜今有司擇礼冊命鄂王尋
改為景王

太和八年十一月勅改澧王長子漢可封東陽郡王次男源可
封安陸郡王次男潢可封臨川郡王故深王長男潭封河內郡
王次男淑封吳興郡王故絳王長男封新安郡王次男滂封高
平郡王故洋王長男沛封潁川郡王湓王長男幹封許昌郡王
沔王長男瀛封晉陵郡王廊王長男溥封平陽郡王
開成二年八月敬宗皇帝第二子休後封梁王第三子執中封

襄王第四子言揚封紀王第六子成器封陳王

五年三月故襄王男宋封樂安郡王故陳王第十六男儼封宣城郡王

會昌六年五月勅長男溫可封鄆王第二男涇可封雅王第三男滋可封慶王第四男沂可封慶王

大中二年二月封第五男澤為濮王

三年十一月封憲宗皇帝第十七男惕為彭王

五年封第六子潤為鄂王

六年十一月封憲宗皇帝第十八男惲為棣王

八年封第七子洽為懷王第九子訥為昭王第十子洸為康王

十一年封第十子灌為衛王第十一子濇為廣王

十四年封憲宗子愐為信王

咸通三年封長子俗為勣王第二子佺為涼王第三子倓為蜀

王四子侶為威王初封封憲宗子愐為榮王

八封年順宗第二十二子緝為斬王

十三年封第六子保為吉王第八子倚為睦王

中和元年九月十六日封長子震為建王

光啓三年十一月十四日封第二子陞為益王

乾寧元年十一月十八日封第二子綸為棣王第三子禎為虔王

第四子禔為沂王第五子禕為遂王

四年二月二十二日封第六子祕為景王第七子祺為校王

光化二年十一月十九日封第八子禎為雅王第十子祥為瓊

王

正觀二年十二月十六日太宗以宇內晏清息以致理謂公卿曰朕欲使子孫長久社稷永安其理如何尚書右僕射宋國公瑋對曰臣觀前代國祚所以長久者莫不封建諸僕以為磐石之固秦并六國罷侯置守二世而亡漢有天下參建藩屏年踰四百魏晉廢之不能永久封建之法實可遵行上然之始議永封列土之制表禮部侍郎李伯藥論曰周氏以鑒夏殷之長久遵黃唐之並建維城磐石深根固本雖王綱弛廢而枝幹相持故使逆節不生宗祀不絕秦氏背師古之訓棄先王之道剪華待險罷侯置守子弟無尺土之邑兆庶罕共理之憂故一夫號澤七廟隳祀臣以為自古皇王君臨宇內莫不受命上玄飛名帝錄締御過興王之運殷夏屬啓聖之期雖魏武得養之資漢高徒役之重賤非止意有覬覦推之不能去也若具獄訟不歸菁華

已竭雖帝堯之光彼四表大舜之上齊七政非止存情揖讓守之亦不可固為以放勳重華之德尚不能克昌厥後是知祚之長短必在天時政或盛衰有閔人事宗周卜世三十七年七百雖淪胥之道斯極而文武之器猶在斯則龜鼎運祚已懸之於杳冥也至使南征不返東遷避逼禋祀如綫郭畿不守此乃陵夷之漸有累於封建焉暴秦運距閭餘數鍾百六受命之主德異禹湯繼世之君才非啓誦借仗李斯王綰之輩威開四履將閭子嬰之徒俱啓十稟豈能逆帝王之勃興抗龍顏之祚命者也然則得失成敗各有由焉而著述之家多守常轍莫不情忘今古理蔽澆淳欲以百王之季行三代之法天下五服之內盡封諸侯王畿千里之間俱為菜地是則以結繩之化行虞夏之朝用象刑之典理劉曹之來缺船求劍未見其可膠柱成文彌所

多惑徒知問鼎請隧有懼霸王之師白馬素車無後蕃籬之投
不悞望夷之 未甚昇沉之災復思高貴之殃寧異申鄆之酷
此乃欽明昏亂自繫安危固非守宰公侯以成興廢且數代之
後王室寢微自藩屏化為仇敵家殊俗異政強度弱眾暴寡
寡疆場彼此干侵戈伐狐貍之役女子盡鬻峭陵之師隻輪不
返斯蓋略舉一隅其餘不可勝數陸士衡方規然云嗣王委其
九鼎凶族據其大邑天下晏然以理待亂斯言謬也而設官分
職任賢使能以循良之才膺共理之寄刺奔分竹何代無人至
使地或呈祥天不愛室人稱父母政比神明曹元首方區：然
祿與人共其樂者人必憂其憂與人同其安者人必極其危豈
容委以侯伯則同其安危任之牧宰則殊其憂樂何斯言之妄
也封君列國藉慶門資忘先業之艱難輕自然之崇貴莫不代

增淫虐時益驕侈離宮別館切漢凌雲或刑人力而將殄或召
諸侯而共染陳靈則君臣悖禮共侮徵舒宣則父子聚麀已終
誅壽朔乃云為己思豈若是乎內外羣官選自朝連 擢士庶
以任之澄水鏡以鑒之年勞優其階品考績明其黜陟爵非代
及用賢之路斯廣人無定主附下之情不同此乃愚智所辨安
可惑哉至如滅國殺君亂常干紀春秋二百年間略無寧歲次
雖咸秩遂用玉帛之君魯道有蕩每守衣裳之會縱使西漢哀
平之際東漢桓靈之時下吏淫暴必不至此為政之理可以一
言蔽焉陛下獨照宸衷懷前古將復五等而修舊制建萬國而
親諸侯竊以漢魏以還餘風之弊未盡勛華既往至公之道斯
章請待琢瑀成朴以質代文刑措之教一行登封之禮云畢然
後定疆理之制議山河之賞未為晚焉中書侍即顏師古論封

建表曰伏聞前年陛下親發聖慮特降明勅博問鄉士議欲封建既合事宜實惟理要然而議者不一各執異端或欲追法殷周遠遵上古天下之地盡為封國庶姓羣官皆錫茅社或云周弊之後人稀土廣封建之事蓋未可行此皆不察至理而失其衷臣愚以為當今之要莫不量其遠近分置王國均其戶也強弱相濟畫野分疆不得過大間以州縣雜錯而居互相維持永無傾奪使各守其境而不能為非協力同心則足扶宗室陛下然後分命諸子各就封之為置官察皆一省選用法令之外不得擅作威刑朝貢禮儀且為條式一定此制萬代永久則狂狡絕暴慢之心本朝無怵惕之慮將追魏徵議曰臣聞三代之利建藩屏保又皇家而漢之大啓上河同契王室故楚國不恭齊桓有呂陵之奔諸呂難朱虛奮北軍之謀九鼎危而復安諸

侯傲而還肅比夫秦之孤之子弟為匹夫魏氏虛名藩扞若固圖豈可同年而語哉至於同憂共樂之談百足不僵之義曹圖六代陸机五等論之詳矣陛下發明詔封五等事雖盡善時即未遑何也自隋亂離百殃俱起黎元塗炭十不一存始蒙敷至仁以流玄澤沐春風而霑夏雨一朝棄之為諸侯之隸衆心未定或致逃亡其未可一也既立諸侯當建社廟禮樂文物儀衛左右頓闕則理必不安粗修則事有未暇其未可二也大夫鄉士咸資祿俸薄賦則官府困窮厚斂則人不堪命其未可三也王畿千里地稅不多至於貢賦所資在於侯甸之外今若並為國邑京師府城必虛諸侯朝宗無所取給其未可四也今燕秦趙代俱帝蕃夷點羌旅恒匈奴未滅追兵內地遠赴邊庭不堪其勞將有他變難安易動悔或不追其不可五也原夫聖人奉

事責在相時時或未可理資通變敢進菊莢之議惟明主擇焉
六年監察御史馬周上疏曰伏見詔書令宗室勳賢作鎮藩部
貽厥子孫嗣守其政非有大故則無黜免臣竊惟陛下封之者
誠愛之重之欲其所胤裔承守而與國無疆也臣以為如詔旨
者陛下思所以安存之富貴之然後使為世官也何則以克岸
之父猶有朱均之子儻有孩童嗣職萬一驕愚則兆庶被其殃
而國家受其敗正欲絕之則子之父理猶在正故留之而樂厲
厲之思已彰與其毒害於見存之百姓則寧使割恩於已亡之
一臣明矣然則向所謂愛之者乃適所以傷之也臣謂宜賦以
茅土疇其戶邑必有材行隨器方授則雖其翰翮非強亦可以
獲免尤累昔漢光武不任功臣以吏事所以終全其代者良得
其術也願陛下深思其宜使失得奉大恩而子孫終其福祿也

十一年六月六日詔曰設司以制海內建藩屏以輔王室莫
不明其典章義存於致理宗其賢戚志在於無疆者也今採摭
部之嘉名參建侯之舊制共理之職重矣分土之實存矣已有
詔書陳其至理維世垂範貽厥後昆維城作固同符前列荆州
都督荆王元景凉州都督漢王元昌徐州都督徐王元禮潞州
都督韓王元嘉遼州都督彭王元則鄭州刺史鄭王元懿絳州
刺史霍王元軌魏州刺史魏王元鳳豫州刺史道王元慶壽州
刺史舒王元明鄧州刺史鄧王元恪幽州都督燕王靈寶蘇州
刺史許王元祥安州都督吳王恪相州都督魏王恭齊州都督
齊王祐蓋州都督蜀王愔襄州刺史蔣王惲揚州都督越王正
并州都督晉王治秦州都督紀王慎等地居旦奭夙聞詩禮或
望乃周平早稱才藝並爵崇土宇龍黃車服誠孝之心無忘於

造次風政之譽克著於朞月宜冠藩垣昨以休命其所署刺史
咸令子孫世世承襲

唐會要卷第四十六

唐會要卷第四十七

封建雜錄下

封建雜錄下

封諸岳贖

議釋教上

正觀十一年六月十五日又以司空長孫無忌為趙州刺史改
封趙國公尚書左僕射房玄齡為宋州刺史改封梁國公故司
空杜如晦密州刺史封蔡國公特進李靖為濮州刺史改封魏
國公特進高士廉為中州刺史改封申國公趙郡王李泰為觀
州刺史改封河間郡王同州刺史尉遲敬德為宣州刺史改封
鄂國公光祿大夫李勣為蘇州刺史改封英國公左驍衛大將
軍段志玄為全州刺史改封襄國公右領軍大將軍程知節為
晉州刺史改封盧國公兵部尚書侯君集為陳州刺史改封陳
國公任城王道宗為鄂州刺史改封江夏郡王太僕卿劉弘基

造次風政之譽克著於朞月宜冠藩垣昨以休命其所署刺史
咸令子孫世世承襲

唐會要卷第四十六

唐會要卷第四十七

封建雜錄下

封建雜錄下

封諸岳贖

議釋教上

正觀十一年六月十五日又以司空長孫無忌為趙州刺史改
封趙國公尚書左僕射房玄齡為宋州刺史改封梁國公故司
空杜如晦密州刺史封蔡國公特進李靖為濮州刺史改封魏
國公特進高士廉為中州刺史改封申國公趙郡王李泰為觀
州刺史改封河間郡王同州刺史尉遲敬德為宣州刺史改封
鄂國公光祿大夫李勣為蘇州刺史改封英國公左驍衛大將
軍段志玄為全州刺史改封襄國公右領軍大將軍程知節為
晉州刺史改封盧國公兵部尚書侯君集為陳州刺史改封陳
國公任城王道宗為鄂州刺史改封江夏郡王太僕卿劉弘基

為朗州刺史改封夔國公金紫光祿大夫張亮為澧州刺史改
封勳國公詔曰周武定業昨茅土於子孫漢高受命誓帶礪於
功臣豈止重親賢之地崇其典禮抑亦固磐石之基寄以蕃翰
但今之刺史右之諸侯雖立名不同而監統一也故由命有司
斟酌前代宣條委共理之寄象賢存代及之典司空無忌等並
策名運始功參締御名御即今子孫世世承襲非有大故無或黜免
餘官食邑並如故其後無忌將之國情皆係恋不願是行辭不
獲免謬出怨言以激上怒云臣披荆棘以事陛下今海內寧一
乃令世牧外州復與遷徙何異因上表固讓太宗謂之曰割地
以封功臣古今之通議也意欲公之枝葉翼朕子孫長久藩翰
傳之永久情在此耳而公等薄山河之誓發言怨望朕亦安可
強公以土宇邪太子左庶子于志寧以今古事殊恐非久安之

道上疏爭之竟從志寧議刊秩政典曰我皇帝思侔前古永傳
後裔下無山甫將明之才乃聽百藥偏味之說伸群臣之小讓
挫為國之大國設爵無土署官不職王澤不布人魚承化遂令
刑辟未弭國用不殷權柄擅於后氏社稷絕而復存之由在於
取順而難逆絕欲奪之原在於卑弱而無所憚此即事之明驗
也百漢不詳秦漢晉宋齊隋得失之異謂不足法復忍淳于賈
曹劉陸成敗之說委之天命天之所命人事而已棄人事捨天
理滅聖智任存亡也故建侯者所以正家嫡安父子之分使不
相猜二豈藩屏王室而已哉夫先王之尚封建也非止貴於永
久貴其從化而省刑故郡建則責督責則刑生國開則明教明
則從化從化之行因於封建封則諸侯之制與天子備同僕同
而禮殺禮殺然後可宣化教宣化教則仁義長仁義長則尊卑

別則禍亂息此封建之所以為理也郡縣之理可以小寧不可以久安可以責成不可以化俗嗚呼上無堯舜猶可也有堯舜之德故廣其澤此何以哉自漢以降雖建失道然諸侯猶皆就國今封建子弟有其名號而無國邑空封官僚而無莅事聚居京輦食租衣稅國用所以不足也二十二日勅五等封加開國之稱

十六年皇子年幼者多任都督刺史諫議大夫褚遂良上疏曰昔兩漢以郡國理人除郡以外分立諸子剖土分疆雜用相制皇唐州縣粗依秦法皇子幼年或授刺史性陛下豈不以王之骨肉鎮扞四方此之造制道高前列如臣遇見有小未盡何者刺史都以帥民仰以安得一善人部內蘇息遇一不善闔州勞弊是以人君愛恤百姓常為擇賢或稱河潤九里京師蒙福或人興歌

詠生為立祠漢宣帝云與我共理者惟良二千石乎如臣愚見陛下王子之內年齒尚幼未堪臨人者留師教以經李一則畏天威不敢犯禁二則觀見朝儀自然成立因此積習漸知為人審堪臨州然後遣出謹按漢明章和三帝能友愛子弟自茲已降取為準的封立諸侯各有國土年尚幼小多晉京師訓以禮法垂以恩惠訖三帝代諸王數千百人唯二王稍要自餘養和染教皆為善人此則前代事已驗惟陛下詳察焉上深納之

大足元年二月冀州人蘇安恒上疏曰臣聞自昔明王之孝理天下者不見二姓而俱王當今梁定河內建昌諸王等承陛下蔭履並得封王臣恐千秋萬歲之後於事非便臣請黜為公侯任以閑簡又聞陛下有二十餘孫今無尺土之封此非久長之計也臣請四面都督府及要衝州郡分土而王之從今年尚幼

小未聞養人之術臣請擇立師傳成其孝敬之道將以夾輔周
室藩屏皇家便累業重光饗祀不輟斯為美矣豈不大哉

神龍元年二月十四日追封后父常玄正為上洛郡王左拾遺
賈虛已上疏諫曰臣聞孔子曰唯名與器不可以假人且非李
氏而王自古盟書所弃今陛下創制謀始毛範將來為皇王令
圖子孫明鏡斥復未絕后族有私臣雖庸愚而知不可史官執
簡必是直書先朝贈太原王殷監不遠如渙汗既行憚改成命
臣望請皇后抗表固辭使天下知弘讓之風彤管著冲謙之德
不納

其年五月十五日侍中敬暉等以唐室中興武氏諸王宜削其
王爵乃率群臣上表曰臣聞神器者天下之至公必歸於有德
王極者域中之大宝必順乎天命歷考前史詳觀帝業皆不並

興莫不更王故三皇氏沒而五帝氏興夏殷氏息而周漢氏作
何則帝王之曆數必應乎五行水盛則木衰木衰則金盛天地
之氣運必順乎四時春往則夏來暑退則寒集則知五行之數
帝王不可違之則宗社不安生人_下不理四時之序_上不地天能變
變之則霜露不時永旱交錯自有隋失海內分崩天曆之重
歸于唐室萬方樂業荷撥亂之功三聖重光布生成之德可謂
有功于四海有德於蒸人自則天皇后臨御帝圖明目達聰躬
親庶政則有讒邪凶孽誣惑睿哲_御害宗枝誅夷殆盡忠臣義
士賢所痛心自天授之際時稱改革武家子弟咸預封建十餘
年間寶亦榮極于時國家藩屏豈得並封物不兩盛時使然也
今神器大寶重歸陛下百姓謳歌欣復唐業臣又聞之業不兩
盛事不兩大故天無二日土無二王前聖之格言先哲之明誠

自皇階反正天命維新武氏諸王封建依旧生者既加茅土死者仍進賦邑萬夫失望卿士寒心何則開闢已來罕有斯理帝王之道實無此法陛下縱欲開恩以行私惠豈可違五行曆數乎車四時寒暑乎又海內衆情朝廷竊議為武氏諸王身計邊將有損何則處之未得所居之實恐未安陛下雖欲罷之翻乃禍之亦於事未立定分於理不遵古典故也且唐曆有歸國命已去爵重則難保祿輕則易全又武氏諸王並居京華不降回封天下之心竊將不可陛下縱欲敦崇外戚曲流恩貸宗廟社稷之計何柰卿士黎人之議何伏願陛下為社稷之遠圖私情之小愛上崇經邦之要外制遐邇之心又故韓魯霍舒紀澤等諸王並遭非命枉被誅戮今遺孤餘緒雖罕有存者繼絕興亡義無或闕伏望詳擇近親繼其禋祀更開茅土並列於朝豈

不固宗社之本凡人靈之願則陛下觀之之業貫三光而洞九泉親之之義上有倫而下有序臣等並承榮寵固竭丹衷既為唐臣實為唐計伏乞聖慈俯垂矜納疏奏遂降武三思等為即王懿宗等為國

開元八年五月十八日勅准令王妻為妃文武官及國公妻為國夫人母加太字餘人有官及爵者聽從高叙但王者名器殊恩或頒異姓妻合從夫授秩甲令更無別條率循旧章須依往例自今已後郡嗣及異姓王母妻宜準令為妃

封諸嶽瀆

岳拱四年七月一日封洛水神為顯聖侯享齊於四瀆封嵩山為神嶽天中王至萬歲通天元年四月一日神嶽天中王可尊為神嶽天中皇帝至神龍元年二月復為天中王先天二年八

月二十日封華嶽為金天王

開元十三年二月封太山神為天齊王禮秩加三公一等

天寶五載正月二十三日詔曰五方定位嶽鎮總其靈萬物阜
物雲雨極其潤上帝攸宅寰區是仰且岱宗西嶽先已封崇其
中嶽茅三方興禮尊崇未齊名秩永言先被用叶靈心其中嶽
封為中天王南嶽封為司天北嶽封為安天王

六載正月十二日敕文四瀆五嶽雖差秩序興雲播潤蓋同利
物崇號所及錫命宜均其五嶽既已封王四瀆當昇公位遙從
加等以答靈心其河瀆宜封為靈源公濟瀆封為清源公淮瀆
封為源公仍令所司擇日差使告祭

七載十二月九日封昭應山為立德公

八載閏六月五日敕文封太白山為神應公其九州鎮山除八

諸嶽並外宜封公

十載正月二十三日封東海為廣德公南海為廣利公西海為
廣潤公北海為廣澤公封沂山為安東公會稽山為永興公嶽
山為成德公霍山為應聖公豎無閭山為廣寧公

上元二年十月改封華山為太山華陰縣為太陰縣

至德二年十二月十五日吳山宜改為吳嶽祠享官屬並準五

嶽故事

元和十五年閏正月勅北嶽宜改為鎮嶽避穆宗諱也

開成二年四月十一日勅如聞京師日說以為終南山興雲即
必有兩若晴霽雖密雲佗至竟不沾霑况茲山北面闕庭日當
顧瞻脩其望祀罷教宜及今聞都無祀宇炭各湫却在命祀終
南山未備禮秩湫為山屬捨大從細深所謂闕於興雲致兩之

祀也宜令中書門下且差官設奠先告致禮便令擇立廟處所
向日以聞然命有司即特建立其年九月初南山宜封為廣惠
公

三年太常禮院奏准去年十月六日勅終南山封廣惠公冊命
訖宜準四鎮例以本府都督刺史充獻官者今合每年一祭仍
請以季夏土王日祭之應緣祭事並令本州府備其祀文所司
祭前五日送京兆府

乾寧五年十月一日勅封少華山為佑順侯

天祐二年六月十六日勅封洞庭湖君為利涉侯青草湖君為
安流侯

議釋教上

武德七年七月十四太史令傅奕上疏請去釋教高祖付羣官

詳議太僕卿張道源稱奕奏合理尚書右僕射蕭瑀與之爭論
曰佛聖人也奕為此議非聖人無法請寘嚴刑奕曰礼本事親
終於奉上而佛踰城出家逃背其父以匹夫而抗天子以繼体
而悖所親蕭瑀非出空桑乃遵無父之教瑀不能答合掌云地
獄所設正謂是人其後上臨朝謂奕曰佛道玄妙聖亦可師卿
獨不悟何也奕對曰佛是國中桀黠誑夷俗遵尚其道皆是邪
僻小人模寫莊老立言文飾妖幻之教耳於百姓無補於國家
有害上然之至九年二月二十二日以華門道士虧違教跡留
京師寺三所現二所選耆老高行以實之餘皆罷廢至六月四
日赦文其僧尼道士女冠宜依舊定

正觀八年上謂長孫無忌曰在外百姓大似信佛上封事欲令
我每日將十箇大德共建宮同入令我礼拜觀此乃是道人教

上其事侍中魏徵對曰佛道法本貴清淨以退浮競昔釋道安如此名德符永固與之同與權翼以為不可釋惠琳非無才俊宋文帝引之升殿顏延之云三台之位可其使刑餘之人居之今陛下縱欲崇信佛教亦不須道人日到參議

顯慶二年詔曰釋典沖虛有無無謝正覺疑竅彼我俱忘豈自遵崇然後為法聖人之心主於慈孝父子君臣之際長幼仁義之序與夫周孔之教異教同歸并禮悖德朕所不取僧尼之徒自云離俗先自尊高父母之親人倫以極整容端坐愛其禮拜自餘尊裕莫不皆然有傷名教實歎彝典自今已後僧尼不得受父母及尊者禮拜所司明為法制即宜禁斷

至開元二年閏三月三日勅自今已後道士女冠僧尼等並令拜父母至於喪祀輕重及尊屬禮數一準常儀庶能正此頽弊

用明典刑

開元二年正月 中書令姚崇奏言自神龍己未公王及外戚皆奏請度人亦出私財造寺者每一出勅則因為姦濫富戶強丁皆經營避役遠近充滿捐餽蓋且佛不在近於心但發心慈悲行事利益使蒼生安樂即是佛身何用妄度姦人令外壞正法上乃令有司精加銓擇天下僧尼偽濫還俗者三萬餘人

大曆十三年四月勅南東州觀察使李叔明奏請澄汰佛道二教下尚書省集議都官員外郎彭偃獻議曰王者之政變人心為上因人心次之不變不因循常守故者為下故非有獨見之明不能行非常之事今陛下以維新之政為萬代法若不革曰風全歸正道者非也當今道士名無實時俗鮮重亂政循輕唯有僧尼頗為穢雜自四方之教被於中國去聖人遠空門不行

五濁比丘但行麗法爰自後漢至於陳隋僧之教滅其亦教四
或至坑教殆無遺餘前代帝王豈惡僧道之善如此之深也蓋
其亂人亦已甚矣且佛之立教清淨無為若以色見即是刑法
開示悟入唯有一門所以二乘之人比之外道况今出家者皆
是無識下劣之流縱其戒行高契在於王者已無用矣今明之
心甚善然臣恐其奸吏詆欺而去者未必非留者不必是無益
于國不能息姦既不變人心亦不因人心強制力持難致遠耳
臣聞天生蒸民必持有職遊行浮食王制所禁故有才者受爵
祿不肖者出租稅此古之常道也今天下僧尼不耕而食不織
而衣廣作危言險語以惑愚者一僧衣食歲計三萬有餘五丁
所出不能致此舉一僧以計天下其實可知陛下日旰憂勤將
去人害此而不教冀其為政臣伏請僧道未滿五十者每年輸

絹四疋尼及道女士滿五十者輸絹二疋其雜色役與百姓同
有才智者令入士還俗為平人者聽但令就役輸課為僧何傷
臣切料其所出不下令之租賦三分之一然則陛下國之富矣
蒼生之害除矣其年五十者請皆免之夫子曰五十而知天命
列子曰不班白不知道人年五十五嗜慾已衰縱不出家心已
近道况戒律檢其性情哉臣以為此今既行僧尼規避還俗者
固以太半其年老精脩者必盡為人師斯道釋二教益重明矣
上深嘉之

元和十三年功德使奏鳳翔府法門寺有議國真身塔內有
釋迦牟尼佛指骨一節其本傳以為當二千年一開則歲豐
人安至來年合發詔許之命中使領禁兵與僧徒迎護至京上
開光順門以納之晉禁中三日乃送京城佛寺王公士庶瞻禮

舍施如恐不及百姓有廢業竭產燒頂灼臂而云供養者又有
開肆惠子不若焚烙之痛請譎言供養而蒸其肌膚繇是佛骨
在所往盜發既擒獲皆向之自灼者農人多廢東作命走京
城於是刑部侍郎韓愈上疏極諫曰臣伏以佛者夷狄之一法
耳自後漢時始流入中國上古未嘗有也昔黃帝在位百年百
一十歲少昊在位八十年二百歲顓頊在位七十九年二百一
八歲帝嚳在位七十年二百五歲帝堯在位九十八年二百一
十八歲帝舜及禹年皆百歲此時天下太平百姓安樂考壽而
中國未有佛法其後殷湯亦年百歲湯孫太戊在位七十五年
武丁在位五十九年書史不言其壽年數蓋亦不減百歲周文
文王年九十七歲武王年九十三歲穆王在位百年此時佛法
亦未入中國非事佛而致此也漢明帝時有佛法來在位終十

八年耳其後亂亡相繼運祚不永宋齊梁陳魏已下事佛漸謹
年代尤誕唯梁武帝在位四十八年前後三度捨身施佛宗廟
之祭不用捨牢晝一餐止於菜菓其後竟為侯景所運餓死臺
城國亦尋滅事佛求福乃更得禍由此觀之佛不足信事亦可
知矣高祖始受隋禪則議除之當時群臣材識不能深知先上
之道古今之宜推闡聖明以救斯弊事其遂止臣常恨焉伏惟
睿聖文武皇帝陛下聖神莫武教千百年以來未有倫比即位
之初即不許度人為僧尼道士又不許創立寺觀臣常以為
高祖之志必行陛下之手今縱未能即行豈可恣之轉令盛也
今聞陛下令京都僧於鳳翔迎取佛骨御樓以觀昇入大內令
諸寺迎送供養臣雖至愚必知陛下不惑於佛作其崇奉以祈
福祥也直以年豈之樂人之心為京師士庶設詭異之觀戲翫

之具耳安有聖明若此而肯信此等事哉然百姓愚冥易惑難
曉苟見陛下如此將謂真心信佛皆云天子大聖猶一心敬信
百姓賤微於佛豈合更惜身命焚頂燒指百千為羣解衣散錢
自朝至暮轉相倣效惟恐後時老少奔波棄其業次若不即加
禁遏更歷諸寺必有斷臂鬻身以為供養者傷風敗俗傳笑四
方非細事也夫佛夷狄之人與中國言語不通衣服殊製口不
言先王之法言身不服先王之法服不知君臣父子之情假如
其身尚在奉其國命來朝京師陛下容而接之不過宣政一見
禮賓一設賜衣一襲衛而出之於境不令惑於衆也况其自死
已久枯朽之骨凶穢之餘豈宜以入宮禁孔子曰敬神見而遠
之古諸侯行吊於國尚巫祝先以桃茢除去不祥然後進吊今
無故取朽穢之物親臨觀之巫祝不先桃茢不用群臣不言其

非御史不舉其失臣實耻之以此骨付有司設諸水火永絕
根本斷天下之疑絕萬代之惑使天下知天聖人之所作為出
於尋常一方也豈不盛哉佛如有靈能成禍福凡有殃咎請
加臣身上天鑒臨不然惟願臺上怒甚間一日出以示宰臣將
加重法某度崔群對曰籍愈上忤尊德誠宜得罪然其非內懷
忠懇不避點責豈能並此狀乞稍賜寬容以來諫者上曰愈言
我奉佛太過我猶為容之至謂東漢奉佛之後帝王咸致大促
何莊誕也愈為人臣而敢爾任恕不可赦於是人情驚惋至於
國戚亦以罪愈慈人臣戒而給事中崔植洎諸諫官皆上疏論
救不納遂貶潮州刺史

會昌六年八月制朕聞三代已前未嘗言佛漢魏之後像法寔
興是逢李時傳此異俗因緣染習滋蔓後多以至於耗蠹國風

而漸不覺以至於誘惑人心而象益迷泊乎九有山原兩京城
闕僧徒日廣佛寺日崇勞人力於土木之功奪人利為金室之
飾務君親於師資之際違配偏於戒律之間壞法害人莫過於
此且一夫不由有受其餼一婦不織有受其寒者今天下僧尼
不勝數皆得蠶而衣待農而食寺宇招提莫知紀極皆名飾藻
飾僭擬宮殿晉宋齊梁物力凋瘵風俗燒詐莫不由是而致也
况高祖太宗以武定禍亂以文理華夏執此二柄足以經邦而
豈可以區區西方之教與我抗衡哉正觀開元亦嘗釐革剷除
不盡流衍滋多朕博覽前言旁求輿議弊之可革漸在不疑而
中外誠臣子正意條流至當且從所陳懲千古之蠹原成百
王之典法濟人利象予不讓焉其天下所寺四十六百餘所還
俗僧尼二十六萬餘人杖克兩稅戶并招提蘭若四萬餘收膏

腴上田數千萬頃收奴婢為兩稅戶十五萬人隸僧尼屬主客
顯明外國之教勸大秦穆護祿二萬餘人違俗不雜中華之風
於戲前古未行已將自待及今盡云豈謂無時驅遊惰不業之
徒已踰千萬廢丹雘無用之屋何啻億千自此清淨訓人慕無
為之理簡易為政成一俗之功將使六合黔黎同歸皇化尚以
草弊之始日用不知下制明庭宜體予志宣布中外咸使聞知

12

唐會要

第十二冊

臺灣國家圖書館, NATIONAL CENTRAL LIBRARY, TAIWAN, R.O.C.



唐會要卷第四十八

議釋教下

大中六年十二月初部奏當司伏準累年赦文及別勅建置佛堂并剃度僧尼等伏以陛下護持釋教以濟羣生自出聖慈孰不知感非欲華飾寺宇廣度僧尼興作勞人匱竭力物近日天下州府未諭聖心違置漸多剃度彌廣相尚以日繁時臣恐黎毗因茲受弊臣職司其局不敢曠官當陛下求理納諫之時是山罄竭肝膽之日伏乞允臣所奏明立新規舊弊永除天下知禁如此見佛法可久民不告勞時宰臣因是上言伏以西方之教清淨為宗極濟為業國家弘闡已久實助皇風然度僧不精則戒法隳壞造寺無節則損費過多有司舉陳實當藏分但須

林氏善天
尚書
樞密

酌量中道使可久行自今後應諸州準元勅置寺外如有勝地
名山古蹟靈跡實可留情為眾所知者即任量事脩建却舊
名其諸縣有戶口繁盛商旅輻湊願依香火以濟津梁亦任量
事各置院一所於州下抽三五人住其有山谷險難道途危苦
羸車重負須暫憩留亦任因依舊基都置蘭若並須是有力人
自發心營造不得令姦黨因此逆仰歛鄉閭此外更不得輒有
起建如引別勅處分不在此限其僧尼踰濫之源皆緣私度本
教遮止條律極嚴不得輒有違如可容姦必在禁絕犯者準元
勅科斷訖仍具鄉貫姓號申祠部上文曆其官度僧尼數內有
闕即仰本州集律僧眾同議揀擇聰敏有道性已經脩鍊可以
傳習參學者度之貴在教法得人不以年齒為限若唯求長老
即難奉律儀剃度訖仍具鄉貫姓號申祠部請告牒其僧中有
志行堅精願尋師獲道但有本州公驗即任遠近遊行在所闕防
切宜覺察不使真偽相雜藏庇姦人制可
咸通二年上以志奉釋氏意於朝政左散騎常侍蕭徽上疏論
之曰臣聞古祖之道用慈倫為先素王之風以仁義為本如
昔尚外之教非帝王所能慕也昔正觀中高祖在東宮以長孫
皇后疾亟上言度僧以資福事后曰佛者異方之教存而勿論
豈以一女子而紊王道乎故謚為文德且母后之論尚能若此
哲王之心安可及是哉疏奏上甚嘉之
六年尚書右丞李尉復上疏諫曰臣聞孔丘聖者也言必稱周
任之言符融賢者也議必稱王猛之諫誠以事求師古辭貴達
誠陛下自縉丕圖克崇佛事臣畧採本朝名臣啓之言以證奉
佛初終之要天后時曾營大像仗仁傑諫曰功不使鬼必在役

人物不天來皆從地出中宗時公主貴戚奏度僧尼姚崇諫曰
佛不在外求之予心膺宗為金仙玉真二宮主造二道宮辛替
否諫曰自夏已來淫雨不解穀荒于壠麥爛于場陛下聖人也
遠無不知陛下明君也細無不見而造不急之觀賈合之怨
又諫造寺曰釋教以清淨為基慈悲為主三時之月穿池招損
命也殫府軍損人也廣殿宇營身也損命則不慈悲營身則不
清淨臣現仁傑天后時上公也崇開元時賢相也替否膺宗之
直臣也每覺斯言未嘗不發卷痛息其言不行也伏望詳前事
之安危覽昔賢之啟奏營繕之間稍宜停減疏奏優詔嘉之

寺

西京

開業寺豐樂坊本隋仙都宮武德元年高祖為尼明照廢宮置
證果寺正觀九年廢寺立為高祖別廟號靜安宮儀鳳元年十

一月十五日勅廢宮立開業寺其宮中人內移就獻陵

會昌寺

金城坊本隋海陵公賀若誼宅義寧元年義師入

閔太宗領兵於此武德元年因置為寺

崇義寺 長壽坊本隋延公于銓宅武德三年桂陽公主為

駙馬趙慈景所立

楚國寺

晉昌坊本隋廢興道寺高祖起義太原第五子智

雲在京為留守陰世師所害後追封楚王因此立寺

興聖寺 通義坊本高祖潛龍舊宅武德元年以為通義宮

正觀元年立為尼寺

龍興寺

頌政坊正觀五年太子承乾立為並光寺神龍元

年二 改名

興福寺

脩德坊本王君康宅正觀八年太宗為太穆皇后

追福立為弘福寺神龍元年改名

西明寺 延康坊本隋越國公楊素宅武德初萬春公主居住

正觀中賜濮王泰泰死乃立為寺

慈恩寺 晉昌坊隋無漏廢寺正觀二十二年十二月二十四

日高祖春在宮為文德正后立為寺故以慈恩為名寺曰淨園

永徽三年沙門玄奘所立

青龍寺 新昌坊本隋廢靈感寺龍朔二年 城公主奏立為

觀音寺景雲二年改名

崇敬寺 靜 坊本隋廢寺高祖為長安公主立為尼寺高祖

崩後改為宮以為別廟後人為寺

資聖寺 崇仁坊本太尉長孫無忌宅龍朔三年為文德皇后

追福立為尼寺咸亨四年復為僧寺

招福寺 崇儀坊本乾封二年睿宗在藩所立其地本隋正覺

慶寺南北門額並睿宗親題之

崇福寺 林祥坊本侍中楊恭仁宅咸亨二年九月二日以武

后外氏宅立太原寺垂拱二年十二月改為魏國寺載初元年

五月六日改為崇福寺

光宅寺 光宅坊儀鳳二年望氣者言此坊有異氣勅令掘得

石留得舍利萬粒遂於此地立為寺

薦福寺 開化坊中已東隋煬帝在藩舊宅武德中賜尚書左

僕射蕭瑀為園後瑀子銳尚襄城公主不欲姑與異居遂於園

後地造宅公主卒後官市為英王宅文明元年三月十二日勅

為高宗造太后立為圓極寺獻福寺及六年十一日賜額改為

薦福寺也

興唐寺 太寧坊神龍元年三月十二日勅太平公主為天后
立為圓極寺開元二十年六月七日改為興唐寺

永壽寺 永樂坊景龍三年為永壽公主所立

安國寺 長樂坊景雲元年九月十一日勅捨龍潛舊宅為寺
便以本封安國為名

章敬寺 通化門外大曆二年七月十九日內侍魚朝恩請以
城東莊為章敬皇后立為寺因拆奇舒翰宅及曲江百司省屋
及觀風樓造為

寶應寺 道正坊大曆四年正月二十九日門下侍郎王縉捨
宅卷為寺以年號為名

東京

龍興寺 寧仁坊正觀七年立為象香寺至神龍元年二月改

為中興寺右補闕張景佚上疏曰伏見天下諸州各置一大唐
中興寺觀固以式標昌運光贊鴻名竊有未安芻言是獻至如
永昌登封創之為縣名者是先聖受圖勒石之所陛下思而奉
之不令更改今聖善報慈題之為閣者是陛下深仁至孝之德
右先帝代未之前間况唐運自崇周親撫政母子成業周替唐
興雖有三朝而化侷一統况承顧復非謂中興夫言中興者中
有阻間不承統曆既奉成周之業寔揚先聖之資君親臨之厚
莫之重中興立號未益前規以臣愚見所置大唐中興寺觀及
圖史并出制誥咸請除中興之字直以臣愚見所置大唐中興
寺龍興為名庶望前後君親俱承正統周唐寶曆共叶神聽上
納之因降勅曰文叔之起春陵少康之因陶政中興之號埋異
於茲思革前非以歸事賢自今已後更不得言中興之號其天

下未唐中興寺觀諸如此例並即令改

天宮寺 觀善坊高祖龍潛旧宅正觀六年立為寺

天女寺 敦業坊正觀九年置為景福寺武太后改之

敬愛寺 懷仁坊顯慶二年孝敬在宮為高宗武太后生之以

敬愛寺為名制度興西明寺同天授二年改為佛授記寺其後

又改為敬愛寺

福先寺 遊藝坊武太后母楊氏宅上元二年立為太原寺垂

拱三年二月改為魏國寺天授二年改為福先寺

長壽寺 嘉善坊長壽元年武后稱齒生髮变大赦改元仍置

長壽寺

宗先寺 證聖元年正月十八日以宗先府為寺開元二十四

年九月一日改為廣福寺

聖善寺 章善坊龍神元年二月立為中興二年中宗為武大

后追福改為聖善寺寺內報慈閣中宗為宗后所立景龍三年

正月二十八日制東都改造聖善寺更開拓五十餘步以廣僧

房計破百姓數十家監察御史宋務光上疏諫曰陛下孝思罔

極崇建明因二木之功莊嚴斯畢僧房精舍宴坐有餘禪宇道

場經營已足更事開拓奪人便利貪者有擠之憂富者無安堵

之所行非急切何至於斯况陽和發生播植伊始興役丁匠廢

業農功一夫不耕必有飢者三時之務安可奪焉臣聞失鬼神

之心可因巫祝而謝失君長之心可因左右而謝失父母之心

可親戚而謝唯失百姓之心不可解也陛下以萬邦為念何用

傷一物之心慮湏拓寺諸侯農隙隙疏奏不納

安國寺 宣教坊本節愍太子宅神龍一年立為崇恩寺後改

為衛國寺景雲元年十二月六日改為安國寺

荷澤寺 宜人坊太極元年二月十七日睿宗在藩為武太后追佛所立初名慈澤寺神龍二年改為荷澤寺其時於西京亦立荷思

奉國寺 脩行坊本張易之宅未成而易之敗後賜太平公主乳母奉國夫人尋奏為寺

郿成寺 道光坊本沙苑監之地景龍元年帝庶人立為安樂寺常氏誅改為景雲寺尋又昭成皇后追福改為招成寺

花嚴寺 景行坊景雲三年立為寺開元二十一年改為同德唐興寺正觀二年十二月一日詔有隋失道九服沸騰朕親摠元戎致茲明代誓收登陲曾無寧歲思所以樹立福田濟其營魄可於建義己來交兵之處為義士凶徒隕身戎十陣者各建寺

剎招延勝寺望法鼓所振爰災火於青蓮清梵所聞易苦海於甘露所司宜量定處所並立寺名支配僧徒及脩院宇具為事僧以聞仍命虞世南李百藥褚遂良顏師古岑文本許敬崇朱子奢等為碑記銘功業破劉武周於汾州立弘濟寺崇正鄉 李

百藥為碑銘破宋老生於呂州立普濟寺著作郎許敬宗為碑銘破宋金剛於晉州立慈雲寺起居郎褚遂良為碑銘破王世充於印州立昭覺寺著作郎虞世南為碑銘破竇建德於汜水立等慈寺祕書監顏師古為碑銘破劉黑闥於洛州立昭福寺中書侍郎岑文本為碑銘已上並正觀四年五月建造畢

慈德寺 京兆府武功縣慶善宮西百步正觀五年為太穆皇后故並以慈德名之

永徽六年正月三日昭陵側置一寺尚書右僕射褚遂良諫曰

閩中既是陛下所都自長安而制四海其間衛士已上悉是陛下牙爪陛下必欲乘豐滅遼若不役閩中人不能濟事猶此言之理須愛惜今者昭陵為公造寺唯欲早成其功 雖云知顧皆是催迫發遣邕州已北岐州已西或一百里或二百里皆未赴作遂積時月豈其所願陛下昔嘗語弘福寺僧云我義活蒼生最為功德且又今者所造制度準禪定寺則大弘福寺自不可大於弘福既有東道征役此寺亦宜漸次脩營三二年得成未為遲

乾封元年正月十七日兗州置觀寺各三所其觀以紫雲仙鶴萬歲為祿寺以封岳非煙重輪為名各度二七人天授元年十月二十九日兩京及天下諸州各置大雲寺一所至開元二十六年六月一日並改為開元寺

景雲二年七月左拾遺辛替否疏諫曰夫釋教以清淨為本慈悲為主故恒體道以濟物不為利欲以損人故恒去己以全真不為營身以害教三時之月掘山穿地損命也殫府虛帑損人也廣殿長廊營身也損命則不慈悲損人則不濟物崇身則不清淨豈大聖大神乎臣以為非宗教也自像王而下佛教東傳青螺不入於周前白馬方行於漢後風流雨散千帝百王歸彌盛而國彌空信彌重而禍彌大覆車繼軌曾不改圖晉臣以奉佛取議梁主以捨身御名際若以造寺為其理體養人不足以經邦則殷周已往皆暗亂漢魏已降皆聖明殷周已往為其不長漢魏已降為不短臣聞夏為天子二十餘代而殷受之殷為天子二十餘代而周受之周為天子三十餘代而漢受之自漢已後歷代可知也何者有道之長無道之短豈因其窮金玉修塔

廟方見享祚乎臣以為減雕琢之費以賑貧又是有如來之德
息穿掘之苦以全昆蟲是有如來之仁罷營飾之直以給邊陲
是有湯武之功減不急之祿以御廢清是有唐虞之理陛下緩
其所急急其所緩親未來而踈見在失真實而真虛無重俗人
之所為輕天子之功業臣切痛之矣當今出財依勢者盡度為
沙彌避役姦訛者盡度為沙彌其所未度唯貧與善人彌特何以
作此軼乎特何以租賦乎特何以力役乎臣以為出家者捨塵俗
離所黨無私愛是致人以毀道非廣道以求人伏見今之宮觀
臺榭唯京師之與洛陽不增脩飾猶恐奢麗陛下嘗欲填池壑
捐苑囿以賑貧人無產業者今天下佛寺蓋無其數一寺堂殿
倍陛下二宮壯麗甚之矣用度過之矣是十分天下之財而佛
有其七八陛下何有之矣百姓何食之矣臣竊痛之

景龍二年九月并州清源縣尉呂元太上疏曰陛下六合為家
萬邦作宗布慈悲於沙界樹功業於玄初煥旌室蓋接影都畿
鳳剎龍宮相望都邑然釋教真教平等為宗本之以慈悲加之
以布施伏願陛下廣平施之德成育養之思四營飾之資克疆
場之費則如來布施之法也賜之穀帛惠及飢寒則如來慈
悲之化也經論既行中外胥悅則如來平等之教也臣謹按金
剛般若經云若以色見我以音聲求見是人行邪道不能見如
來是知大來之宗声色不見豈釋迦之意在雕啄之功今之作
者臣所未諭三年正月二十七日宴侍臣近親於梨園因問以
時政得失絳州刺史成珪對曰夫釋教之設以慈悲為主蓋欲
饒益萬姓濟收群生若乃遽宇珍臺層聯寔塔耗竭府庫勞役
生人悞非善薩善利之心或異如來大悲之旨臣備職方岳叨

膺洪運敢陳蕩蕩狂妄死罪中書令蕭至忠奏曰方今百姓貧乏造境未寧府藏內空倉廩不實誠宜節財用之費省土木之功務存農事愛惜人力寺觀之役實可且停成珺之言伏希採納兵部尚書同中書門下三品韋嗣立上疏曰臣竊見比者營造寺觀其數極多皆務宏博競崇環麗大則費一二十萬小則尚用三五萬餘畧計都用資則動至千萬已上運轉木石人牛不停廢人功害農務事既非急時多怨咨故曰不作無益害有益功乃成不資異物賤用物人乃足伏誠此言且玄象秘妙歸於寂苟非脩心定惠諸法皆涉有為至如土木雕刻等唯是殫竭人力但學相誇麗豈閑降伏身心之所與功皆須掘鑿蟄虫在土種類寔多每日殺傷動即萬計連年如此損害可知於至道既有乖在生人極為損陛下豈不深思之

正元十三年四月勅曲江南彌勒閣官賜名正元普濟寺

元和二年九月初成都府官置聖壽南平二佛寺十月河中觀察使薛平奏中條山蘭若營之初有兩泉湧出請賜額為太和寺從之

十二年二月置元和聖壽佛寺於石神策軍

長慶元年三月劉總請以幽州私第為佛寺詔以報恩名之仍遣中官焦仙晟以寺額賜之

會昌五年七月中書門下奏天下諸州府寺據令式上州以上並合國忌日集官吏行香臣等商量上州已上合行香州各留寺一所充國忌日行香列聖真容便移入合留寺中其下州寺並合廢毀勅旨所合留寺如舍宇精華者即留如是廢壞不堪者亦宜毀除但國忌日當州宮觀內行香不必定取寺名餘依

其月又奏請兩街合留寺十所每寺留僧十人勅旨宜每街各留寺兩所僧每寺各留三十人

六年五月左右街功德使奏準今月五日敕書節文上都兩街先各留寺兩所依前委功德使收管其所添寺於廢寺中揀擇堪修建者臣今左街謹具揀擇置寺八所及數內同改名額分折如後兩所依前名額與唐寺保壽寺六所改名曰額僧寺四所寶應寺改為資壽寺青龍寺改為設國寺菩提寺改為保唐寺寺清禪寺改為安國寺綠閭架數少取華陽寺連接克尼寺二所法雲寺改為唐安寺崇教寺右街置八所二所先準勅留西明寺請改為福壽莊嚴寺八所添置二所請依旧名額僧寺一所十聖寺尼寺一所興聖寺六所請改名僧寺五所化度寺崇福寺永泰寺改為萬壽寺清福改為崇聖寺經行寺

改為龍興寺奉恩寺改為興福寺尼寺一所萬善寺改為延唐寺謹定揀定添置及改名額分析如前勅者宜依

大中元年閏三月勅會昌季年并省寺宇雖云異方之教無損為政之源中國之人久行其道釐革過當事休未弘其靈山勝境天下州府會昌五年四月所廢寺如有宿舊名僧復能修創一任住持所由不得禁止二年正月三日勅節文上都除元置寺外每皆更名添置寺五所東都共添置五所二所尼寺仍每寺度五十人益荆楊潤汴并蒲襄等八道除元置寺五所外更添置僧寺一所尼寺一所諸道節度刺史州除元置寺外更各添置一所並充僧寺各度三十人諸道管内州未置寺處宜置僧尼寺各一所每寺度三人五臺山且置僧寺四所尼寺一所如有見存者便令修飾每寺度五十人其僧尼年幾限約

并諸條流並準

會昌六年五月五日條例處分

五年正月詔京畿及郡縣士唐要建寺宇村邑勿禁無許度僧
尼住持營造其年七月宰臣奏陛下崇奉釋教臣子皆願奔走
慮士庶寺物力不逮擾人生事望今兩畿及州府長吏與審度
事宜樽節開奏不必廣為建造驅役黎甿其所請度僧亦須
選有道行為州縣所稱信者不得容隱兇惡之流却非敬道望
委長史精加揀擇其村邑佛堂望且待兵罷後建置為便十月
十七日宰臣寺上言近有勅許罷兵後建置佛堂蘭若今邊事
寧息必恐奏請繼來若不先議條流臨事恐難止約伏以釋門
之教本貴正真奉之精嚴則人用加敬今諸州府寺宇漸添功
悉未畢百姓寺名志願崇奉則宜併力同修自今已後有請
置佛堂蘭若者望所在長吏分明曉示待一切畢後或有去州
府遠處大縣即許量事建置一所其餘材坊不在更置佛堂蘭
若限制可

唐會要卷第四十九
推忠協謀佐理功臣光祿大夫守司空無門下侍郎同中書門下平章事監修國史上柱國太原郡開國公食邑二千戶食實封四百戶臣王溥纂

唐會要卷第四十九

推忠協謀佐理功臣光祿大夫守司空無門下侍郎同中書門下平章事監修國史上柱國太原郡開國公食邑二千戶食實封四百戶臣王溥纂

像
燃燈 僧道立位 僧尼所錄 雜錄
病坊 僧籍 大秦寺 摩尼寺

久視元年八月十五日將造大像稅天下僧尼人出一錢內史狄仁傑上疏曰今之伽藍制過宮闕功不使鬼必役於人物不天來於須地出不損百姓將何以求生之有時用之無度編戶所奉但若不充痛切肌膚不辭華楚遊僧一說矯陳禍福剪髮解衣仍嫌其少亦有離開骨肉事均路人身自納妻謂無彼我

皆記佛法誰誤生人里開動有經坊闡闡亦立精舍化誘倍急
勿於官徵法事所須嚴於制勅逃丁避罪併集法門無知之僧
凡有幾萬且一夫不耕猶受其弊浮食者衆又劫人財臣每思
惟實所悲痛今之大像若無官助義無得成若費官財又盡人
力一旦有難將救之

大足元年正月成均祭酒李嶠諫曰臣以王法慈敏菩薩護持
唯擬饒盜象生亦要營土木 殿堂佛處 皆有見在足堪供
養無煩更有修營竊見白司馬坂欲造大像雖稅非戶口錢出
僧尼不得州縣私承必是不能濟辦終須料率豈免勞擾但天
下編戶貧弱者衆亦有備力客作以濟餓糧亦有賣舍貼田以
供王役伏聞造像之錢見有一十七萬餘貫若將散施廣濟貧
窮人與一千自然濟得一十七萬餘戶極飢寒之與省勞役之

勤順諸佛慈悲之心沾聖君亭毒之意人神胥悅功德無窮方
作過後因緣豈如見在果報垂九霄之澤救萬姓之心聞此息
造誰不感悅長安四年十月九日勅大像宜於白司馬坂造為
定仍令春官尚書建安王改寧充檢校大像使監察御史張廷
珪諫曰夫佛者以覺知為義因心而成不可以諸相也故云若
以色見我以音声求見是人行邪道不能見如來此明真如來
不外求也陛下信心歸依裝其塔廟已遍於天下矣蓋有作於
作而行布施非最上第七希有之法何以言之經云若人滿三
十大千世界七宝以用布施及恒河沙等身命布施其福甚多
若人於經中受持及四句偈等為人演說其佛勝彼如佛所言
則陛下傾四海之財殫萬人之力窮山之木以為塔極治之金
以為像雖勞則甚矣費則多矣而所獲福緣不愈於碑等之匹

夫沙門之末學受持精進端坐思惟理亦明矣臣竊為陛下少
之今陛下廣樹薰脩又置精舍則經云菩薩所作福德不應貪
著盡有為之法不足高也況此營造事殷土木或開發磅礮峻
築階陛或填塞川澗通轉採斫碾壓虫蟻動盈巨億豈佛標坐
夏之義愍蠢動而不忍害其生哉今陛下何以為之又役鬼不
可唯人是營運計功正率多貪寔朝驅暮役勞筋苦骨葷食獸
飲晨炊星鉢飢渴所致疾疫交集豈佛標徒行之義愍畜獸而
不忍殘其力哉今陛下何以為之伏惟慎之重之思菩薩之行
為利益一切衆生應如是布施則經所謂不作色布施不作声
香味觸法布施其福德若東西南北四維上下虛空不可量思
矣何必勤於住相遺蒼生之財崇不急之務臣以時政論之
則宜先邊境益府庫養生以釋教言之則宜救苦厄滅者相

崇無為伏惟陛下察臣之愚行佛之意務以理為上不以人廢
言

建中元年四月妃父王景在駙馬高怡獻金銅佛像以為壽上
使謂曰有為功德吾不欲為久矣昇而還之
元和五年十月新羅王遣其子獻金銀佛像
主客為復合令鴻臚寺收管宜分析奏來者天下僧尼國朝已
來並隸鴻臚寺至天寶二年隸祠部臣等據大唐六典祠部掌
天下宗廟大祭與僧事殊不相及當萬務根本合歸尚書省為
鴻臚寺亦未允當又據六典掌朝貢之國七十餘番五天竺國
並在數內釋氏出自天竺國今陛下以其非中國之教已有羣
輩僧尼名籍便令係主客下隸祠部及鴻臚寺至為允當從之
六年五月制僧尼依前令西街功德使收管不要更隸主客其

所度僧尼令祠部給牒

雜錄

正觀二年五月十九日勅章敬寺是光朝創造從今已後每至先朝忌日常令設齋行香仍永為恒式

開元二年二月十九日勅天下寺觀屋宇先成自今已後更不得創造若有破壞事須修理仍經所司陳牒檢驗先後所詳七月十三日勅如聞百官家多以僧尼道士等為門徒往還妻子等無所避忌或詭託禪觀妄陳禍福事涉左道深敷大猷自今已後百官家不得輒容僧尼等至家緣吉凶要須齋者皆依州縣陳牒等規後依數所云二十九日勅佛教者在乎清淨存乎利益今兩京城內寺宇相望凡欲歸依足申禮敬如聞坊巷之內開舖寫經公然鑄佛自今已後村坊市等不得輒更鑄佛

寫經為業須瞻仰尊者任就寺禮拜須經典讀誦者勤於寺贖取如經本少僧為寫供諸州寺觀亦宜準此

十二年六月二十二日勅有司試天下僧尼年六十已下者限誦二百紙經每一年限誦七十三紙三年一試落者還俗不得以坐禪對策義試諸寺三階院宜入寺大院

十九年六月二十八日勅朕先知僧徒至弊故先塞其源不度人來向二十餘載訪聞在外有三十已下小僧尼宜令所司及府縣檢責處分又會昌五年七月中書門下奏以天下廢寺銅像及鐘磬等委諸道鑄歸泉其月又奏天下士庶之家所有銅像並限勅到一月內送官如違此限並準盜鉄使旧禁銅條件處分其土木等像並不禁所由不得因此擾人其京城及畿內諸縣衣冠百姓家有銅像並望送納京兆府自圻寺已來應